



Eminentissimi Ac Reverendissimi Domini, D. Joannis Baptistæ, Cardinalis De Luca, Theatrum Veritatis Et Justitiæ, Sive Decisivi Discursus

Ad Veritatem Editi In Forensibus Controversiis, Canonicis & Civilibus, in quibus in Urbe Advocatus, pro una partium scripsit, vel Consultus respondit ; Cum Indicibus Argumentorum, Causarum ac Rerum luculentissimis. Opus Tam Judicibus, Quam Causarum Patronis, atque omnibus in utroque Foro ...

Tractatus Primi Pars I. de Servitutibus Prædialibus, Usufructu, & utroque Retractu, Pars II. de Emphyteusi, Pars III. de Locatione & Conductione

Luca, Giovanni Battista de

Coloniae Agrippinae, 1691

Disc. LVII. Hostien. vineæ. An legitimus legitimatus aliàs quam per matrimonium, sit capax emphyteusis ecclesiasticæ, vel per viam successionis, vel saltem per viam nominationis, quæ de quocumque ...

[urn:nbn:de:hbz:466:1-74102](https://nbn-resolving.org/urn:nbn:de:hbz:466:1-74102)

pro confine in hac concessione cannarum 20. allegabatur, ab eodem concessionario possessam, pariter esse de eodem dominio ex antiquiori concessione; Atque ad hunc effectum, cum aliquo probabili fundamento considerabilis credebatur dicta renovatio anni 1612. non tanquam alteratio seu innovatio, sed tanquam interpretatio seu conjectura, quæ etiam ex actu invalido seu impugnato deduci potest.

HOSTIEN.

VINEÆ

PRO N

CUM

SINDICO MENSÆ EPISCOPALIS
HOSTIEN.*Responsum in forma supplicis
libelli.*

An illegitimus legitimatus aliàs quam per matrimonium, sit capax emphyteusis ecclesiasticæ, vel per viam successionis, vel saltem per viam nominationis, quæ de quocumque extraneo per patrem morientem fieri poterat, ita ut habens facultatem nominandi quemcumque, possit nominare illegitimum.

Et de Bulla Pii V. contra illegitimos.

SUMMARIUM.

1. *Causa controversa.*
2. *De Bulla Pii contra illegitimos ut non alteret dispositionem juris communis, sed tantum tollat successionem ex jure speciali.*
3. *De differentiâ succedentis in emphyteusi, non jure successionis, sed nominationis.*
4. *Illegitimus non prohibetur acquirere emphyteusim ecclesiasticam ex concessione.*
5. *Facultas nominandi intelligitur de habilibus.*
6. *Nominatus an habere dicatur à nominante, vel à dante facultatem.*

DISC. LVII.



Oncessit Episcopus Hostiensis vineam controversam aliaque bona ad certas generationes, & in istarum defectum ad duas nominationes Josepho Orpheo, qui succellore carens, nominavit Joannem Thomam, cum facultate faciendi aliam nominationem. Undè Joannes Thomas moriens, nominavit Joannem Thomam juniorem ejus filium legitimatum, sed prætendente Syndico Mensæ Episcopalis devolutionem, ob dicti nominati incapacitatem, in forma extrajudiciali, & per viam supplicationis magis, quam contentationis, coram eodem Cardinali Episcopo Hostiensis, qui tunc erat piissimus Cardinalis Lantes, actum fuit. An hæc Syndici præsentio subsisteret.

Et pro nominato circa initia Advocacionis in Urbe scribens in forma supplicis libelli dicebam, objectum

rectè intrare, quando ageretur de successione, quia nempe bastardus legitimatus, tanquam ex jure speciali ratione legitimacionis, vel alterius privilegii venire prætenderet jure successorio contra juris dispositionem, Tunc enim sibi obstaret Bulla Pii V. contra illegitimos, quæ juxta verum intellectum à Doctoribus traditum, & à Rota pluries canonizatum, prohibet tantum illegitimos successiones jure speciali, puta ex facultatibus disponendi concessis parentibus, alias disponere prohibitis, sive ex illis habilitacionibus, quæ ex legitimacione, vel altero privilegio resultant, secus autem circa ea, quorum illegitimi sunt capaces de jure communi, cujus dispositionem dicta Bulla non alterat, sed relinquit intactam, ut generaliter decis. 487. & 505. par. 1. divers. & in aliis cumulatim per Lucidorum de illegitimis cap. 26. num. 1.

Et in terminis specialibus emphyteusis ecclesiasticæ, quod scilicet naturales legitimi non amiserint per Bullam Pii illam capacitatem, quam aliàs de jure, & circumscripto particulari privilegio habebant illam acquirendi, vel in ea succedendi, Genuon. in prædicabil. Eccles. cap. 33. Cyriac. controuv. 79. & 472. Seraph. decis. 138. Coccin. dec. 137. Rot. decis. 100. num. 4. cum seqq. par. 5. recen. & in aliis per Lucidor. dicto cap. 26. num. 15. cum seqq. ubi latè rationes & fundamenta adducendo, confutatur conf. 37. Gioyagn. lib. 2. & hæc videtur verior & recepta opinio.

Quo posito dicebam, quod cum hic legitimatus non aspiraret ad hujusmodi bona jure successionis ejus patris, sed jure nominationis tanquam quilibet extraneus, non videbatur esse prohibendus, quia obtinens jure facultatis nominandi, obtinere potius dicitur ab eo, qui talem facultatem concessit, ita ut nominans dicatur nudum organum seu instrumentum, Ad instar ementis pro persona nominanda, ut in his terminis Afflēt. decis. 99. Coccin. dicta decis. 137. num. 2. & conferunt termini generales emptoris, seu alii deducti ex l. unum ex familia ff. de leg. 2. Unde sienti illegitimus non prohibetur acquirere directè ab Ecclesia, etiam mediante persona & opera patris Afflēt. dicta decis. 99. Cyriac. dicta controuv. 79. Seraph. dicta decis. 1358. Coccin. dicta dec. 137. num. 2. 4. ita non videtur prohibitus nominari, cum nominatio sit species acquisitionis, non autem successionis.

Verùm eidem Joanni Thomæ insinuatam, præmissa deduci & insinuatam, tanquam ab Advocato pro faciliiori reddenda nova concessione, quæ per viam precum petebatur, non autem esse rura, ita ut Episcopo renente prætere posse de justitia sibi deberi, quoniam facultas nominandi censetur concessa cum terminis habilibus, & de persona non prohibita, non autem de naturalibus, nisi expressè dicatur, ob deficientem voluntatem Ecclesiæ concedentis, quam in dubio præsumendum non est de hujusmodi personis cum peccato procreatis cogitasse, ut ex Mantica de tacit. Hond. d. Gabr. & aliis plenè Gratian. discept. 738. nu. 22. cum seqq. & bene Rota apud Duranum decis. 251. in qua casus præcisè deciditur.

Et ultra dictam rationem voluntatis Ecclesiæ verisimiliter deficientis, Aliam ego ponderabam, quod tunc nominatus, non à nominante, sed ab eo qui nominandi facultatem concessit, obtinere dicitur, ubi facultas est præcisè, & necessaria ad certas personas restricta vel saltem ad incertas de certis, secus autem ubi in ejus liberam voluntatem collata est, exercibilis cum quibuscumque sibi bene visis, quia tunc nominatus non dicitur obtinere à primo concedente, qui nominandi facultatem tribuit, sed ab ipso nominante, quem in ejus omnimodum auctorem agnoscente dicitur, ita ut ab isto etiam gravari valeat juxta distine.

distinctionem text. in d. l. unum ex familia §. 1. ff. de leg. 2. cum qua transeunt communiter Doctores in his terminis emphyteuticis latè & magistraliter deducti per Rotam in Romana emphyteusis 28. Novembris 1653. coram Verospio & generaliter in Romana dotis 15. Junii 1643. & 15. Maii 1656. coram Cerro, quarum prima est 205. par. 9. rec. & sæpè in aliis, ac habetur latus tractatum in Romana legitima de Ludovisus sub tit. de legitima, ita ut tali casu jure quodam successorio nominantis potius nominatus haberet, & consequenter intraret Bulla Pii.

- 12 De eadem conclusione de qua num. 5. & quod nullitas alienationis non allegetur nisi à domino.
 13 Declaratur, & quando id procedat.
 14 Sub hypotheca generali non veniunt bona emphyteutica prohibita obligari.
 15 Extenditur ratio ob quam stante prohibitione res non cadit sub hypotheca sine assensu.
 16 De alteratione ob quam habentes assensum debent preferri.
 17 Declaratur conclusio, de qua numero 3. & 5.
 18 Declaratur conclusio circa commoditatem de qua num. 6.
 19 Declaratur conclusio de qua num. 7.

R O M A N A

D I S C. L V I I.

CONCURSUS CREDITORUM

P R O

CREDITORIBUS PAULI

P A N I Z Z Æ

Habentibus assensum,

C U M

CREDITORIBUS ANTERIORIBUS

Sine assensu.

Casus decisus per Rotam pro creditoribus anterioribus sine assensu.

De concursu creditorum emphyteutæ in pretio rei emphyteuticæ habentis prohibitionem alienationis & hypothecationis sine assensu Domini. An creditores posteriores cum assensu habeant nec nè potioritatem adversus anteriores, qui illo careant.

S Y M M A R I V M.

- 1 **F** Acti series.
- 2 Deciso causa cum fundamentis.
- 3 Bona data in emphyteusim hereditariam cum facultate alienandi sunt hypothecabilia, & veniunt sub obligatione.
- 4 Assensus domini in hac emphyteusi non attenditur nec alterat, & nu. 9. ubi declaratur.
- 5 Prohibitio alienandi vel hypothecandi intelligitur pro solo interesse domini, & nu. 12. & 17.
- 6 Etiam in prohibitis hypothecari, cadit sub hypotheca commoditas, & num. 18.
- 7 Pretium rei emphyteuticæ non est emphyteuticum, sed liberum & allodialè vide num. 19.
- 8 De conclusione ubique recepta & practicata, quod in prohibitis creditores cum assensu vincunt anteriores illum non habentes, & de ratione.
- 9 Declaratur conclusio, de qua numero 4. quod assensus non alterat, nec est operativus, & expenduntur autoridades.
- 10 In concessione emphyteutica apponi potest prohibitio etiam hypothecæ.
- 11 Cessante prohibitione, res emphyteutica potest hypothecari, & cadit sub hypotheca.

Nter plura notabilis valoris bona, ex majorum successione, possessa per Paulum Panizzam, erat quædam conspicua domus versus fontem Trevii è conspectu Ecclesiæ Angeli Custodis, moderno tempore constructa in solo aliquarum Ecclesiarum in emphyteusim perpetuam hereditariam concessio, sub expressa prohibitione alienandi, hypothecandi, seu alias obligandi, tam ipsum solum, quam melioramenta seu domum desuper construendam, etiam sub pœna caducitatis. Cum autem dictus Paulus, jam de factò prefusus gravi ære alieno, adhuc tamen occulto, novas pecunias ad dissipandum, ad censum vel cambium quæreret, aliqui credere volentes personæ, satis idoneæ ac diviti reputatæ, volentes tamen magis cautè procedere, diligentias adhibuerunt apud administratores Ecclesiarum, de quarum directo dominio dicta domus erat, an de earum assensu alius census seu aliud debitum desuper contractum esset, & certiorari de negativa, sibi regulis & conclusionibus legalibus, eorum pecunias crediderunt, impetrato tamen assensu, inter quos fuit honorandæ memoriæ amicus meus Julius de Legibus, doctus, & diligentissimus causarum Patronus, qui ex pecuniis proprio labore partis, & quæ, verè in Curia, quoad viros integros, ac Dei timoratos, pretium sanguinis dici possunt, dedit ad censum seu cambium scuta bis mille, unde illi satis nocuit legum peritia; Detecta enim ad breve tempus gravi æris alieni mole, qua premebatur dictus Paulus, jam latitans seu profugus, formatoque concursu creditorum, ac venditis bonis de mandato judicis, ista præsertim domo pro scutis circiter 17. m. depositatoque pretio in Monte Pietatis, ad effectum liberandi creditoribus juxta anterioritatis vel potioritatis ordinem in forma; Cum ex graduatione, seu, vulgè cartono, pateret istos creditores cum dicta cautela assensus esse posteriores, ita ut atten. o solo ordine temporis remaneret exclusi ob insufficientiam bonorum, convolarunt ad potioritatem super istius domus emphyteuticæ pretio ratione dicti assensus eis competentem habitusque desuper aliquibus disputationibus coram A. C. seu uno ex ejus locum tenentibus, coram quo dictus concursus efformatus erat, judex credens hunc punctum esse altioris indaginis, decretum provisionale, & cum clausula præservativa sine præjudicio jurium partium, decrevit deliberationem dicti pretii creditoribus in tempore anterioribus sub consueta cautione restituendo & c. unde propterea introducta per appellationem ab hoc decreto causa in Rota coram Emerix, datoque dubio petitorii, quibus scilicet dicta pecunia deberetur, sub die 15. Junii 1665, ad favorem eorundem in tempore ante-